

三才圖會

三才圖會

雲間元翰父王圻纂集

男思義校正

地理九卷

兩河總圖

嵩岳圖

燕門山圖

銅雀臺圖

太行山圖

王屋圖

七賢堂圖

黃華山圖

兩越總圖

西湖圖

三才圖會

地理九卷

錢塘江圖

大滌山圖

天目山圖

釣臺圖

金華山圖

爛柯山圖

三衢山圖

仙都山圖

石門圖

會稽圖

禹穴圖

東山圖

雪竇圖

四明附

招寶山圖

補陀山圖

台中圖

天台山圖

爲宕圖


南鴈宕圖

江心寺圖

煙雨樓圖



澤潞界



嵩山圖

貴蓋峰

太室

嵩門

瀑布

盤石


岳廟

啟母石

登封

漢封三柏





按嵩高山者五岳之中嶽也在河南府釋名云嵩字或爲
崧山大而高曰嵩白虎通云中央之嶽獨加高字者何嶽
居四方之中而高故曰嵩高山漢武帝登中嶽聞有呼萬
歲聲於是以三百戶封奉祠命曰崇高邑至後漢靈帝復
改崇高爲嵩高焉戴延之西征記云其山東謂太室西謂
少室相去十七里嵩其總名也謂之室者以其下各有石
室焉少室高八百六十丈上方十里與太室相次雜道書
云自嶽神廟東北二十里至一山名曰東龍門其東有三
臺山昔漢武東巡過此山見學仙女遂以名焉南有許由

山高大四絕其北有潁水卽堯聘許由處猶有壇壝昔周
靈王太子晉吹笙作鳳鳴游伊洛間道人浮丘公按上嵩
山三十餘年往來縑氏山近在嵩山之西也漢世有道士
從外國將貝多子來於嵩高西麓種之有四樹與衆木異
一年三花白色香美

白偃師沿洛河南行五里渡河十里登唐廬陵王墓石表
猶存中一碑高大字漫滅不可讀三十里至萐嶺口兩山
對峙巖道崎嶇乃唐高宗幸少林寺時所鑿山行八里至
少林寺寺在少室山北麓有碑後魏孝文爲胡僧跋陀建

者唐太宗爲秦王時賜寺僧教有云王世充叨竊非據後
遠天常法師等竝擒彼覓孽廓茲淨土少林僧至今以武
勇聞寺佛殿爲後講堂堂後左有立雪亭昔僧慧可嘗侍
達磨雪深處也不去卒嗣其法今僧中稱爲二祖出西廊
百步有露臺胡僧跋陀於此翻經天降甘露故名西北上
二里至達磨菴六祖手植柏又上一室門外石刻達磨面
壁之菴六字宋蔡洙書室中塑達磨像案前石高僅二
尺廣如之達磨之形宛然其上經閣後有古槐高十丈圍
三十尺出寺東行十五里折而東可二十里至戒壇寺破

屋三楹中四碑刻元學士李溥元所書茶榜字徑四寸道
偉可愛又旁有唐大曆二年勅戒壇碑寺左百步爲會善
寺法堂中有後周嵩陽寺碑後刻云大唐麟德元年移植
于此可謂古矣佛殿東偏有泉出自山中惟供寺僧之汲
資灌溉則伏而不流東南行八里嵩山神祠祠在華蓋峰
下蓋高山巍然中國之中周幾二百里群山拱列有類兒
曹而黃蓋一峰在山東南盡處外有亭扁曰草參入門三
重有石柏或偃或俯或欹或屈而蟠或怒而攫或奮而
欲騰又或如帷蓋之張幾二百株三門內左右列四嶽祠

又有隆神殿壁繪古甫曰像歲久剝落謁嶽神殿西爲御
祠祠多歷代碑刻南行二百折而東北又二里北麓入盧
巖寺蓋唐廬鴻隱處後爲僧廬其上四里有盧巖上寺聞
石壁飛瀑數丈北三里至嵩陽寮觀其中所存惟唐李林
甫觀記元五祖堂記二碑有三古柏大可六人圍舊有石
刻云漢武帝封大將軍其次亦可四人圍道士云此次將
軍也皆形狀偉甚不可圖繪其又次亦可三圍予平生見
古柏多矣未有若此之奇者又東三里據山陽爲崇福宮
其後名萬歲山昔漢武臨幸聞空中呼萬歲者三因卽其

地建萬歲觀唐更名太一宋於此奉安真宗御容設提舉
管勾以祝釐中故有奕棋檣蒲泛觴三亭今惟存泛觴石
下山東行一里觀啟母石啟母石事見淮南子其說不經
後之人蓋嘗辨之

樵門山圖

三才圖會

地理七卷




蘓門山在衛輝府輝縣一名百門山乃百泉始出之山其地巖谷幽邃林樾茂密古名士多卜居焉上百泉書院肅謁先師像登蘓門徘徊嘯臺慨焉懷孫登之爲人史稱登居蘓門土窟中好讀易常撫一弦琴阮籍往候之與言終不答退至山半聞山巔有聲若鸞鳳乃登嘯也稽康從之三年不言仙人巖在蘓門有仙人足跡巖石上刻曰仙人跡下嘯臺迤邐西轉約里半許至康節安樂窩拜其遺像康節范陽人幼從父古徙共城遂築室百泉之上名其所居曰安樂窩布裘蔬食躬爨以養父而李之才適攝共城

今遂授以數學後人于此建祠專祀云出窩東行南下入
三仙洞內塑丘劉譚三真人像乃其修真處也或以是爲
登舊日居之土窟誤矣降洞游集仙資福宮寔書院之左隣
乃蔡氏園址也而院西墻下有古白楊樹十四株大可蔽
牛蓋數百年物也過院爲思親亭在蕪門之麓許師可爲
衛輝路總管以其父魯齋嘗寓其城思之爲立亭過亭爲
衛源廟廟世稱靈源公殿曰清輝郡邑之得名曰輝以此
宋元皆封王至洪武初釐正祀典改稱衛源之神禱雨輒
應廟中碑刻具載唐宋以來褒封之典近廟有湧金亭泉

三才圖會 地理九卷 十一
仰出縷縷千萬窠滙爲巨池池方廣一頃餘水泠泠澄白
日照之如金故名中有菰蒲荇藻魚蟹之饒亭正壁有蕪
東坡書蕪門山湧金門六大字且多宋元來名士題詠埒
湧金翼然而相對者噴玉亭也亭中有石碣刻靈源二大
字卽俗所謂聖井者而看花樓乃在湧金亭南池水中盛
夏蓮荷芬郁翠色上浮扶疎葱蒨今改爲穠翠亭亭左曰
洗心亭右曰雲橋寔爲中流勝槩

銅雀臺圖



銅雀臺在彰德府臨漳縣治西魏曹操築并金虎水井三臺相去各六十步其上複道樓閣相通中央懸絕鑄大銅雀高一丈五尺置之樓頂臨終遺令施總帳于上朝晡使宮人歌吹帳中望吾西陵西陵操葬處也後樓臺俱毀土人掘地得瓦色頗青內平瑩印工人姓名皆八分隸書硯譜云人得此瓦爲硯貯水數日不滲

太行山圖

七



太行山在彰德府城北二十里其山西自濟源東北接河
內修武輝縣林縣至磁州界綿亘數千里間峰谷巖洞景
物萬狀雖各因地立名然實皆太行也爲中州巨鎮禹貢
大行山至于碣石亦相聯屬之意

王屋山圖



三十六圖

地理七卷

十一



王屋山在懷慶府濟源縣西百里禹曰底柱析城至于
王屋是也又曰山空其中列僊宅之其內廣濶如王者之
宮也按龜山白玉上經暨茅君內傳皆云大天之內有玄
中洞三十六第一曰王屋之洞周廻萬里名清虛小有之
天杜甫詩憶昔北尋小有洞卽此山也其絕頂曰天壇常
有雲氣覆之輪囷紛郁雷雨在下飛鳥視其背相傳自古
仙靈朝會之所濟源出城西走溝中四十里又折西南行
十五里度秦嶺皆行山上逾五里至劍河堡南行又折西
北行十五里陽臺宮在王屋山之麓唐司馬承禎修貞之

所也明皇御書寥陽殿三巨字殿中塑昊天上帝像旁侍
十三元辰皆偉麗而白雲道院乃在寥陽殿之東曰白雲
者承禎號也宋徽宗嘗游幸其中天尊殿壁繪神仙龍鶴
雲氣升降輦節羽儀之屬甚奇蓋開元中人筆殿左有唐
大中八年碑上刻睿宗與子微書并送還天台詩入道院
見大鑊一徑丈深數尺勝國時物也宮之南有八仙嶺其
勢如八仙飭冠佩下天拱揖而嚮陽臺又有仙猫洞燕真
人丹成雞犬皆仙去而猫獨不飛昇至今在洞呼之卽應
者又不老泉皆去宮不遠出陽臺宮東北行下山百餘武


謁烟蘿子祠祠前有洗參井祠卽烟蘿子宅址也烟蘿子
者晉天福間人世傳烟蘿子佃陽臺宮田苦積功行忽一
日於山中得異參闔家食之拔宅上昇云過祠北行礮道
中塞亂藤履危石東西兩山壁立千仞風颭颭起巖谷林
木間令人震恐礮道中行八里復上山坂壘巖盤曲莫記
層數乃循石磴入紫微宮仰視臺殿如在天上至門金書
榜曰王屋山朝真門門內爲天王殿榜曰天下第一洞天
又上一層曰三清殿面對華蓋山如几案然又上一層曰
通明殿設昊天上帝像至天壇絕頂西上二里至望仙坡

閱披雲子修煉之跡又上四里至憇息亭凡登絕頂者至此必飲若少憇故名其地有仰天池四面高而中凹舊有泉今涸過此則躡瘦龍嶺登一天門曰瘦龍者以山脊之瘦如瘦龍露骨也過一天門登十八盤山石壁陡絕旋繞而上至躡雲躡觀烟蘿子登仙石石上有足跡下有澗曰避秦溝又稍上則紫金巖巖之右有三官洞洞前有仙人橋少頃至南天門則愈陡絕手攀鐵索以土觀軒轅黃帝御愛松轉謁玉皇殿殿之東曰清風臺西曰明月臺皆巨石也又行數十武至絕頂入虛皇觀謁軒轅廟真君祠乃

陡三級瑤臺極其遐覽東曰日精峰日始出時晶彩爛然
西曰月華峰月上時光華先見也於是東望海岱西眺崑
丘北顧析城南俯黃河如線如嵩山少室隔河對峙咸聚
目前下視華蓋諸山卑如培塿竊意天下奇觀無踰此者
歸至北天門古松十數株天矯如虬龍環列成行儼如侍
衛皆千百年物也遂觀捨身崖志心石在東北虛巖之上
突出一石闊尺許長丈餘勢欲飛墜下瞰峭壑神悸股栗
又觀老子煉丹池池上有老子祠古碑存焉聞東北有王
母洞奧邃莫測人跡罕至且有蛇虎潛其中下南天門一


里許游黑龍洞洞前有太乙泉一曰太乙池蓋濟水發源處也世傳析城之山升白氣于天落五斗峰化爲濕雲自石竇中滴水降太乙池云道士曰每歲諸元會日五更之初輒聞仙鍾自遠洞中發聲悠悠揚清婉可聽又曰日出沒時間有倒影之異

七賢堂圖



七賢堂在衛輝府輝縣西南七十里山陽鎮晉王戎向秀
阮籍阮咸劉伶嵇康山濤俱隱於此世謂竹林七賢後人
建堂祀之今爲道觀

黃華山圖



黃華山在彰德府林慮山內山有三峰名仙人樓玉女臺
魯般門其頂突出雲表名摩雲峰連峙若屏名連屏峰群
峰磊落如仙人聚集名聚仙峰下有黃華谷北巖出瀑布
又有抱犢岡馬鞍山棲霞谷景頗幽勝

兩越總圖

嚴陵瀨

三才圖會
地理





東海之墟有二越焉於越當其北甌越當其南其始一越也皆禹之後王勾踐之所治也漢時無終始自別爲東甌天台以北則於越之故都鴈宕以南爲東甌之別壤

西湖圖




白王塔

也里

下











西湖在杭州府城外武林多山而語山之極高者南北二峰與孤山爲最乃登高覽勝者之所必由也其孤山有金沙井有六一泉有林逋放鶴寺逋墓在其南巨石山一名寶石山在西湖北高六十三丈周廻一十三里旁有石甃山上有七層古塔今稱爲保叔塔山麓有纜船石相傳秦始皇東游汎海艤舟於此舊志西湖本通海東至沙河塘南向大江也故始皇纜舟於此宋宣和中鑄此石爲佛遂名爲大石佛北有落星石二一在山北一在山後巖上巾子峰在落星石後西有參寥泉西爲寶雲山又西爲葛嶺

相傳爲葛洪煉丹之所嶺上有葛仙翁墓又西有虎頭巖
山形突出若虎頭然葛嶺之西爲履泰山有棲霞嶺嶺下
岳武穆王墓後有掃帚塢黃龍洞履泰之右爲仙姑山有
張憲墓仙姑西爲青芝塢青芝塢西南爲慶化山水竹塢
又西南爲駝嶽嶺過行春橋入九里松唐刺史袁仁敬守
杭植松以達靈竺凡九里前有方池曰玉泉旱潦不竭
折而南爲仙芝嶺西爲集慶山又西南過舍澗爲武林山
俗稱山在錢塘縣西一十五里高九十二丈周一十二
里其峰之北起者曰北高峰山前有飛來峰暨咸和間西

僧慧理登而歎曰此乃中天竺國靈鷲山之小嶺不知何
自飛來仙靈隱屈今復爾否因名山曰靈隱建靈隱寺命
其峰曰飛來支分而回拱者又有石筍靈鷲稽留月桂蓮
花諸峰有泓青林玉乳射旭呼猿諸洞有三生石有煉丹
井有冷泉亭又有蕭公伏苓白沙金沙諸泉有下天竺寺
中天竺寺上天竺寺其凌空中峙者爲慧日峰今以淨慈
寺後卷石刻慧日峰亦誤也又南曰烟霞嶺洞壑虛窈泉
味清甘聲如金石熙寧間鄣守鄭獬名之曰水樂洞陟磴
屈折而上曰南高峰在南北諸山之界玉屏山在南屏西

南其對曰赤山山之陰有笱箕泉赤山之北曰三台山三
台山而北曰小麥嶺又西曰大麥嶺其傍有花家山西北
爲靈石山又西爲雞籠山風篁嶺嶺上有龍井龍井之南
爲九溪其西爲十八澗栗山在錢塘縣西十七里高六十
二丈周十八里有石人嶺玉女巖過嶺爲西溪有大慈山
在縣西南十里有虎跑泉南曰筆架山有忠節祠祀宋大
學士徐應鑣又南曰包家山有冷泉峪多桃花號小桃源
又南曰梯雲嶺慈雲嶺嶺之南曰龍山一名臥龍山有登
雲臺珍珠泉宋籍田郊壇高禱壇遺址在馬稍南曰妙因

山月輪山在龍山南形圓如月其高聳者爲月輪峰有六和塔五雲山在龍山西南高百丈周十五里有井大旱不涸秦望山在錢塘縣南一十二里高一百六十丈輿地志秦始皇欲渡會稽登此南望因名有羅剎石定山在錢塘江上高七十五丈周迴九里有奇江濤至是輒抑過則潰怒若雷浮山在縣東南四十里海潮入錢塘江勢若雷霆而浮山峙於江中與漁浦諸山相望潮乃迴伏激射若神憑焉廟山在浮山南十里潮勢至此方殺西湖故明聖湖周繞三十里漢時金牛見湖中人言明聖之瑞遂稱明聖


湖介于錢塘又稱錢塘湖負郭而西故又稱西湖云也

錢塘圖



古今言潮者必推浙江亦謂銀山雪屋有頭數丈此爲異
爾他江之潮第如湧水復與此不同何與曰浙江去潮生
處近掀天沃日之勢方盛而不可遏赭山龕山杙于江口
頓然歛寬就窄其勢必至于衝激奔射也他江去潮生處
遠遠則必殺故但湧水而已又何疑焉

大條山圖



大滌山在餘杭縣西南一十八里中有日月分精金堂玉
室人謂此山清幽可洗滌塵心故名大滌其中峰曰白鹿
山上有許邁升天壇丹竈遺跡及大滌棲真石室白茆歸
雲鳴鈴龍蛻諸洞有來賢巖有仙跡巖下有九瓊山縈紆
凡九折曰天關曰藏雲曰飛鸞曰凌虛曰通真曰龍吟曰
洞微曰雲璈曰朝元有撫掌翠蛟桃花飛瀑諸泉今洞霄
宮在焉


天目山圖



三才圖會

地理九卷

九



天目山據東西兩澗之勝峯堯峭拔石勢峻嶮蜿蜒蜿蜒
橫亘八百餘里其分支衍派莫知紀極洞玄集所謂三十
四洞天者是也出臨安南門歷石虎山山甚惡其狀如虎
踞又次早谿谿與龍谿相望其水勢蕩蕩發自天目相傳
弘治間降水無涯不循龍谿故道衝嶮及陸徙而溺者動
以千計遂成兩谿至今渡者甚難駕筏始得渡抵五山寺
其山如五星分井排列目前及渡口谿水如沸問之或曰
亦自天目來者也入孝豐縣過西山菴渡陳安踰橫坎于
涉崩谿次彭宅里有孤塚如堂封或曰是商大夫老彭墓

也惟旁有一碑什且泐漫不可讀過鮑湖湖皆沙石水至則爲巨浸而入貢山正當其衝去縣二十五里上有石洞可容數百人又有硃砂洞多紅礫前代學堂縣址猶在焉蓋四山具瞻之地也自此待來嶺抵荻蒲寺寺多奇石類武康出湯口而西轉荻山長林下下有蒼松如虬極可愛更入金石鄉詢其故則曰黃金石尚存山畔已而見之多薜荔纏繞擊之有聲琅琅然又多黃色其上有白馬巖下有谿亦曰白馬互相掩映下谿而去次獨山山有梁梁有碑不數武轉入赤松子洞其洞谿以深幽以邃中有潺湲

聲水瀉如注石不工而屋乳不綴而旒或叩之輒亦有聲
側身處隘不可入僅小口空洞無涯或以爲數年前有潛
入不知所向者入洞延佇一小樓樓四面皆松篁歲蕤葱
蔚而邨中編戶一覽殆盡次涉龍谿謁神龍祠長廊短楹
皆金碧貌龍爲人似有乘雲行雨之狀歷堦而有碑記其
事相厥地勢帝山坐鎮一方中有龍宮角則隆鱗則叙類
非他山所能及入方村村不過一三家及河干村水村更
覺窄落其獸蹄鳥跡縱橫道左心甚恐又過寒村千絕無
人烟疑其與塵寰相隔而天目境界至是始分矣又次長

潭其水色紺且黑噴石吞沙勢若跳珠或謂龍母在焉蓋
今之所謂徐仙姑者是也仙姑亦人耳而孕爲龍其事亦
不經者東入別有一潭險不可涉轉上大坎頭歷香坂路
皆偏仄更上龜山次茅嶺其下坂如削猿猴飲澗者接臂
不絕旁有波羅樹絮以百圍撫而盤桓有一小亭亭四面
皆屏障而風藏屏獨列其上儼然如畫渡麻溪得觀印子
石石如印纍纍可玩下此則俯而復隆奇花異草馥郁何
限其上有小湖如練從空而落中有和尚田僅百畝自食
其力初不知石壕吏之催科也更入大墓塘塘轉而灣爲

大洋爲中溪率多回穴至是則益不得方軌入污塘仰見
駐節廳有石如屋其玉壘金鏃猶在或以爲唐李靖討叛
丹陽屯軍於此是亦未可知也念四跳正當廳前嶙峋碑
斫斷崖峭壁迥出天表其下飛沬灑灑滅滅嚙石成淵疑
有蛟龍出沒莫敢誰何相傳於潛每遇大旱吸水而歸輒
雨雨足乃止其石如瑪瑙如琥珀如珠璣又或如浮磬有
聲或如碣石有狀不可枚舉行者每動色入翔鳳林其上
有平原一千五百丈中有兩湖湖有魚或以爲龍散子其
中不可捕又有龍鬚草垂垂可愛相傳兩湖之水東通蘓

湖北漸安吉自安吉而逆泝之信有如所傳者復過雷神
宅時未雨不聞作嬰兒聲東上眉峰岡岡去仙頂數十里
野燒飛灰尚餘者金剛纂動輒曳裾徐徐却立始得進其
巔皆奇石石如鋸板片片重重斷而復續者如勁仆者如
眠平者如鋪欹者如倚高者如斗俯者如鞠合者如歸鸞
雜者如去鴈北者如弟兄叙者如賓主其中有一峰獨聳
馬上薄霄漢下眇江河東如臨安南如姑蘓西如宣城北
如吳興皆在目前其下金牛鳳凰回龍諸山悉如蟻封而
烟雲盡出其半

釣臺圖



釣臺者漢嚴光隱處也兩崖峭立夾熙發之水而下桐廬
蜿蜒如游龍者七里水漲則磯激如箭山腰二巨石對峙
突兀欲傾名以釣臺天作之矣好事者亭其上左垂綸百
尺右畱鼎一絲登臺而俯深淵水靛如綠玉山麓萬木參
天其象欲流祠而顏之以聖人之清然乎哉山隔水爲白
雲原唐雄飛隱居其上有塚則宋謝臯羽所慟哭而終焉
若也二子皆聞先生風如梁伯真葬于要離之側

金華山圖



金華山圖

金華山圖


金華山圖

金華山高千丈一名長山又名北山巔雙巒曰金盆曰玉壺壺水分兩派下下乎山之陽者由山橋以達于溪瀉乎山之陰者由鹿田而入于洞盆水惟一派落而爲赤松澗山橋者兩崖峙百仞上有石橫跨之溪流下注焉故于諸澗于尤勝山之右爲赤松山又右爲知者寺寺在芙蓉峯西畔出城二十里乃至西去則爲三洞東行乃望紫巖巖東三里則赤松宮也宮傍山爲黃初平叱石處宮長松茂竹澗水如環流宮東北兩崖間則小桃源在焉水石相搏時引出桃花數片可觴也返觀羊石色蒼白臥立各異態

遂過小橋西行三里爲東西鹿田俗稱玉女驅鹿而耕處也復五里爲三洞上朝真中水壺下雙龍雙龍外洞堪百榻石壁上現仙桃霞衣龍首左昂而尾右垂內一穴如墓願水淙淙從中出卽伏流洞外舊有覆石可仰臥小舟以入入則見華蓋垂衣狻猊龜蛇町者爲田方者爲床滴者爲硯擊有聲者爲鍾矯如玉者爲雙龍茲水捍石塞未入也登又一里至中洞窺黑穴無底徒聞水聲暴至久之乃有簾泉飛下三十餘丈盛以巨石雙石筍嶄然壁立于前復披莽三里至上洞大石如龜橫當其穴中數石如群


仙儷立內垂衣伸一足爲觀音此朝真所由名也有石梁
高掛白龍護其左蒼龍護其右又有天池深廣四畔峻不
可下池之裏右崖如兩扉而啟其一極暗中遠望石扉啟
處天光下燭蓋洞天漏明而人莫知其處北一里走紫微
巖講堂洞梁錮孝標所卜築者洞飛霞涌水廣而紺碧如
履屋然蓋不減外雙龍矣道書亦以此爲三十六洞天之

爛柯山圖



爛柯山在府城南二十里一名石室下有石橋道書謂此山爲青霞第八洞天爛柯福地晉樵者王質入山伐木見二童子對奕質置斧於坐而觀童子與質一物如棗核食之不饑局終童子指示之曰汝柯斧爛矣質歸鄉閭已及百歲無復時人矣

三衢山圖



三才圖會

地理九卷

廿六

三衢山在常山縣北二十五里昔有洪水暴出派茲山爲
三道故名峭峰奇石玲瓏紺碧天矯槎牙不可名狀上有
巖洞名曰碧玉中有石室旁通一門榜曰玉龍

仙都山圖

三才圖會


地理九卷

七



仙都者鼎湖也世稱軒轅鼎成上昇而五色雲見故邑稱
縉雲道書廿九洞天也山去縣二十里過桑潭遙見姑婦
仙釋諸巖皆以意名之不甚肖再歷步仙橋懸崖千仞色
白如抹名仙人榜上有謝康樂王龜齡朱晦翁諸刻覽畢
下舟從小蓬萊穿合掌洞至龍舌洲復登嶠百級上志歸
洞下洞里許入玉虛宮宮右一石如天柱高數百丈方而
圍半之巔有湖久雨則湖水溢下湖畔大木龍從如虬龍
此鼎湖峰也傍有伏虎巖蒼龍峽出峽登舟則順流經練
溪上群玉臺登臺則傍觀五老峰蟻附若有所思

石門圖




石門圖


石門圖

石門在青田境中發括蒼放舟踰石帆不五十里而至洞口雙峰鴟峙巖業入雲中是名石門迤逶而入平原石曠西南天遠瀑布落焉擊天壁而瀉下潭掛流幾七十餘丈非烟非露亭以噴雪潭空洞沉碧疊石中流若砥柱當前揭而過則有欹洞在石壁下飛沫隨風時時入洞霑人衣俱濕李白云山光水色青於藍然哉上有軒轅丘道書以爲玄鶴洞天云此地行溪澗中大都嵐氣依人曲曲如畫不厭瀑流之奇也自謝康樂創咏唐宋諸賢相繼有作

會稽圖







會稽縣

嵒孝子祠

項羽祠

宋攢陵

朱娥祠

朱娥祠

禹廟

雲門山


嵒縣

賀鑿字

若耶溪

剡溪





蕪山縣

劉龍祠

蘭亭

世里

丁巳



禹六圖






史記禹會江南計功而崩因葬焉命曰會稽會稽者會計也山之東也有隴隱若劍脊西嚮而下有窆石窆石之石是爲禹廟背湖而南嚮舊經禹廟之梅梁張僧繇畫龍於其上風雨夜飛入鏡湖人見梁上萍藻始駭異之乃以鐵維於柱禹廟之西曰中峰下有禹寺寺之後相傳爲禹陵陵有禹井有非泉以禹非飲食故名山之東北接官嶺其上有盤石屹立曰降仙臺下有名塢淘沙徑山南曰玉筍其別峰曰石傘曰香爐西北五里與宛委山相接宛委山上石匱壁立中有洞穴號陽明洞卽舊經云三十六洞

天之十一洞也夏禹發之得赤畦如日碧畦如月又中得金簡玉字之書悟百川之理賀知章慕山記曰黃帝號宛委穴爲赤帝陽明之府於此藏書大禹始於此穴得書復於此穴藏書人因爲之禹穴越勾踐自夫椒之敗棲于會稽之石室服犢鼻者樵頭斫剝卷馬蓋卽此處也史記秦始皇上會稽祭大禹望于南海刻頌秦德今山下傳有始皇坐石竝無刻石惟縣西南七里有刻石山一名鷲鼻山此山最高上有始皇刻石云李斯書山頂有巨石如屋中開插一碑于其中文皆爲風雨所剝隱約可見及司馬

遷自叙上會稽探禹穴然舊經諸書皆以禹穴繫會稽山之宛委山今里人以陽明洞外飛來石下爲禹穴又楊升菴謂蜀之石泉禹生之地謂之禹穴諸在此類皆流傳失真矣過會稽白鏡湖達楓橋美竹嘉樹相望十里而至王逸少之蘭亭亭有曲水有鵝池墨池曲水非其舊當是溪流失其處耳又去而入苧蘿村觀西施浣紗石拜范蠡祠群峰擁簇昔人謂行山陰道上如行鏡中信矣

東山圖



東山在會稽南晉太傅文靖謝公安石東山也巋然出衆峰間如鸞如鳳飛舞至山於千峰掩抱間得微徑循石路而上今爲國慶禪院卽文靖故居也絕頂有謝公調馬路止此山川始軒豁呈露萬峰林立下視烟海渺然天水相接蓋萬里雲景也文靖樂居其在茲乎山半有薔薇洞相傳文靖携妓處葛立之詩話云會稽臨安金陵皆有東山俱傳以爲謝安携妓之所

重寶圖 四明附





觀湖

雪竇在奉化之西出縣城十里日嶺之坂有石廟祀之又
二石高與夫人肩鏘夾長石如巨鱗齒齒足玩又行四十
里山靄明滅忽翠微有亭榜雪竇馬歷峻坂再數十盤近
之乃至望官曲道樹宋應夢名山碑復行數百武入山門
則平疇沃衍更忘其爲萬山之巔也中起一石阜廣弗盈
畝柵柏森蔚海鶴巢之名含珠林東西兩澗水合爲閣道
覆之名觀瀾閣南澗有沼石紋如錦名錦鏡池又折而南
兩澗合流之水垂瀉于千丈巖下懸爲瀑布虎豹吼而震
雷轟也寒飈從水中與飛沫俱起四顧戟戟不自持名龍

隱潭又行十里至妙高臺爲上雪竇舊有勝龍僧和庵巢
其中日令雙虎頸掛大竹筒來寺乞齋爲守龕弟子今僧
去而龕廢矣此山奇峭幽邃烟雲滿壑亦海上之一奇也
四明山者天台之委也高與華頂齊跨數邑自奉川雪竇
入則直謂之四明行山中大約五六十里山山盤互竹樹
葱蒨衆壑之水亂流爭趨入益深猿鳥之聲俱絕悄然嘻
咽通顯氣覺與世界如絕不似天台近人也道書稱第九
洞天峰凡二百八十二中有芙蓉峰漢隸四明山心字山
四穴如天窻隔山通日月星辰之光故曰四明

招寶山圖

三才圖會

地理九卷

四八



招寶山在定海城東一里所雄峻特立郡志山名候濤以
蕃舶貨寶來集其下故又名招寶山出城躡石磴迤北數
步轉而東始履沙上襟帶草樹道南崖北壑隘且峻又數
十步得平岡茂林空翠拂人襟袖禽鳥嘯鳴風颭颭爽令
人樂而忘疲西南行數百步極峻險從者或援或推乃躋
于巔立斥堠上四向空濶顧城邑廬舍歷歷可數江山林
野層見疊出而大海茫無津涯與天爲天忽颶風起驚濤
拍天作萬雷聲爲之目眩心悸若風止日開迺見遠近諸
島大小高卑或連或斷殊狀異態不可殫述蜃氣龍光隱

見明滅沙禽水獸浪如風帆出沒於雲濤杳靄間可喜可
愕朝鮮日本諸夷之域皆在指顧中真天下卓偉奇絕之
觀也東北行直下山向盡有洞廣崇殆十尺其中莓蘚翠
濕若染濤聲鳴嶼間出洞北數十武入一庵甚隘而幽勝
前臨澗澗甚澄水草披白沙文石若組繡可愛其後青壁
千仞不可上有泉出其中聲鏘鳴下石潭泉味冽且甘菴
榻榜曰觀瀾

補陀山圖



補陀落迦山在定海東北故昌國縣海中佛書所謂海岸
孤絕處往時高麗日本新羅諸國皆由此取道以候風信
一名梅岑山其山有善財巖潮音洞盤陀石蓮花洋其勝
稱絕

台中總圖







蓋竹洞

墨化亭

五梁

銀之關

桐柏

贈泉

萬壽宮

桃源

桃花洞

瀑布

知者塔

赤城

王京洞

蘭清

九里松

大橋

清溪

天台山在天台縣西一百一十里臨海記天台山有八重
視之如一高一萬八千丈周迴八百里又云以高大之故
上應天之三台星故稱台嶽游天台必自赤城始此山之
南門也自是而北則循佛隴傍石橋由石橋東行則爲天
封華頂西行則爲萬年桃源兩巖則爲洞天桐柏於是遂
結束自赤城始赤城山純石霞色望之壁立如城具雉堞
絕頂有浮屠七級西北有玉京洞金錢池寺廢無僧由九
里松北行踰金地嶺與寮嶺相連其下爲漢隱寺高寮讀
書堂又五里踰銀地嶺至大慈寺前觀佛隴二大字寺僧

曰此知顛師之初修地也又北行抵石橋先上曇華亭倚
檻觀之見兩岸門立而石橋橫亘其上山北左右肩有雙
泉飛出合流而來至橋乃伏出其下瀉爲瀑可百餘丈掛
巖石間復由亭石麓下至新亭接其端而空則見石橋已
在半天而噴雪之流自空中下擊潭水作疾雷聲震動林
谷從山西行尋萬年寺由鐵船峽度羅漢嶺山嶮水迴每
數里輒一曲及至上方地則砥平如仰盂登妙遠閣四眺
則八峰迴抱而直南諸阜纍纍如列戟排衙兩澗水西寺
門乃合流縈爲南出前林松杉成列東澗古松數株皆大


十圍鶴鶴多巢其上每休坐樹陰則聞鶴鼓牙及唳鶴之音與風泉相雜翛然非復人世由此東北行至劉阮洞洞去東澗二里而遠洞口如門有古水神祠沿澗而上兩山綉壁參差夾水立水隨山曲時漱石有聲曰鳴澗水端草樹芊綿東崦特葱蒨可喜曰桃花塢又折而北上路漸艱澁及水窮而路盡有巨潭渟澈如鏡中有洞門潛通山底其深莫測此所謂金橋潭也卽劉晨阮肇遇真處潭之南有盤石可坐仰望三峰倚天而東峰特秀上有石如縮髻髮曰雙女峰昔人見雙髮戲水或曰乃其精靈所爲卽寺

觀巖石亦奇怪又循董家廟小田鋪涉三四溪至廣巖寺
貧婆鍾鍾謁榮師肉身像師宋人習禪定多異跡時呼爲
榮羅漢死而不腐過寧國寺有寒明兩巖明巖大畧如鴈
蕩靈巖但差小爾巖西面有唐帽乘馬痕相傳爲閻丘太
守像傍有大石筍如天柱峰正北洞寬平可列席旅會南
有小塘外有八寸關寒巖後洞北明巖尤邃且廣可容百
駟而梵宇亦宏敞正寒山子所居由顧如嶺涉歛溪訪齊
處士高歡讀書堂于普慶寺舊號靈墟寔智太史註解涅
槃經處佛殿極壯麗有槃石智者嶺卓錫泉北望一峰摩

雲卽華頂也中峰孤峭如華蓋諸嶼拱羅寺毀僅餘數廊
衆木扶疎多檜杉檉櫛其旁近地有王羲之墨池李太白
讀書堂又迤從北上可三四里有望海尖登其絕頂則錢
塘烟樹括蒼峰巒皆隱約可見自此南行至文殊寺上高
由山脊行則凡邑內諸山皆若翔舞奔躍在輿馬左右直
南曰桐柏岡其地有臥龍玉女紫霄玉笥翠微蓮華玉泉
華琳香琳凡九峰而桐柏宮當其心平原曠衍有村落溪
流橋梁水碓道書稱爲金庭洞天唐司馬子微奉敕建爲
桐柏觀宋改爲崇道觀今復爲桐柏宮云西北宮有瓊臺

雙闕去宮可六七里瓊臺三面皆翠壁萬仞峭壁相向如
城郭周遭而臺則南向懸居其中折而東南可二里許爲
雙闕翠壁山至此忽中斷對峙如闕門路出其下而澗水
從之然巖石皆陡絕不可下觀而四壁之華葉曜日含風
綺繡紛錯秘香翁鬱俯躑百丈潭左臺在麓紆繞雙闕流
入雲溪屏息無譁其聽益遠真天台山之第一奇觀也出
洞門盤折而下行數里至福聖庄觀瀑布又迤而北至翠
屏山觀三井皆奇自文殊寺來謂桐柏已在平地及觀瀑
布二井始覺其地又在衆山之上乃復驚詫以爲大奇

鷹宕圖



三才圖會

地理九卷

五六

屏霞障

石屏

旗旗峰

靈峰洞

風穴

石梁洞

女禪谷

五老峰

柳葉峯

紺坏岩

謝公嶺

老僧岩

石門潭

靈岩寺

大龍洞



鴈蕩山在樂清縣東九十里此山天下奇委南有芙蓉峰下有芙蓉驛前瞰大海然未知鴈蕩龍湫所在後因伐木始見此山頂有大池相傳以爲鴈蕩下有水一潭諸峰皆峭峻險怪上聳千尺穹崖巨谷不類他山皆包在諸谷中自嶺外望之都無所見之谷中則森然于霄原其理當是爲谷中大水衝激沙土盡去惟石巋然挺立耳如大小龍湫水簾初月谷之類皆是水鑿之穴自下望之則高崖峭壁從上觀之適與地平以至諸峰之頂亦抵於山頂之地而世間溝壑之處皆有植土龕巖亦此類而今成隄陝西


三
大澗中之上洞及百尺迴然聳立亦鴈蕩具體而微者但
此石彼土而旣非挺出地上則爲深谷林莽蔽隔古人未
見靈運以不至理不足怪也

南鴈蕩圖



南鴈蕩者以別于樂清鴈蕩也在平陽西南一百里北自
穹嶺南自施巖皆名鴈蕩出平陽之南舟過荆溪而至智
覺禪林石齒挂舟仍陸行先抵石門樓山左巨石嵌空如
琢右爲屏風三疊應之他不能盡名者如圭如笏如芝房
燕壘備極巧態已乃兩石十仞夾峙名石華表則入石柱
寺寺有數洞游人以西洞爲佳上窟下窩鍾乳自罅滴槽
中云仙姑泉也前穴石爲月牖可攀望其外右行半里雙
壁插天石梁橫跨之下俯深窞不可測聞峰頂亦有鴈湖
而迷無所問大都視北鴈爲小而蛟螭峭拔兩蕩無殊焉

江心寺圖



江心寺者永嘉大江中孤嶼也城抱九山爲九斗門嶼與
之對峙海濤日夜嚙其下左右造浮圖鎮之如兩龍角然
當其青天不動滄海無波春日初長晴江似鏡塔影東擲
晚渡爭喧憑江天閣而眺亦一樂也若夫隔江烟火如天
星錯落則在雲陰之夕佳海潮奔激西去有聲自顧身在
嶼中如泛銀河上下則月明之夕爲最

烟雨樓圖



三十六圖

九里山

按郡志烟雨樓在嘉興之馬場湖去治東南里許五代時中吳節度使景陵王錢元璪築臺爲登眺之所建炎中廢嘉定間吏部尚書王希呂致政還家因以址建樓有縉紳遨遊有司相繼拓治繕飭爲一方之勝元季楊苗之亂乃始毀之嘉靖戊申知府趙修浚內隍令民出土崇其故址嗣後士民漸加葺治稍復舊觀